

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

**po zahtjevu privrednog subjekta OPTIMA Grupa d.o.o Banja Luka,
Bosna i Hercegovina o obavezi podnošenja prijave namjere koncentracije**

**Sarajevo
Februar, 2010. godine**



Broj: 01-01-26-083-1-I/10
Sarajevo, 16.02.2010. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta OPTIMA Grupa d.o.o za trgovinu naftom i naftnim derivatima, Kralja Alfonsa XIII br. 9, 78000 Banja Luka, Bosna i Hercegovina, primljenog od strane Konkurencijsko vijeća dana 10.02.2010. godine, pod brojem: 01-01-26-083-I/10, Konkurencijsko vijeće, na 102. (stodrugoj) sjednici održanoj dana 16.02.2010. godine, je donijelo

MIŠLJENJE

Privredni subjekt OPTIMA Grupa d.o.o za trgovinu naftom i naftnim derivatima, Kralja Alfonsa XIII br. 9, 78000 Banja Luka, Bosna i Hercegovina, (u daljem tekstu: Podnosilac zahtjeva ili OPTIMA Grupa), podnio je Konkurencijskom vijeću Zahtjev za davanje mišljenja (u daljem tekstu: Zahtjev), primljen dana 10.02.2010. godine pod brojem: 01-01-26-083-I/10.

Podnosilac zahtjeva traži mišljenje od Konkurencijskog vijeće u vezi sa postojanjem obaveze podnošenja prijave koncentracije u slučaju davanja pod zakup svojih dijelova, odnosno poslovnih jedinica, povezanom privrednom subjektu, odnosno postojanja obaveze podnošenja prijave koncentracije u slučaju izdvajanja njegovog dijela i osnivanja novog privrednog subjekta, te davanja u zakup dijelova, odnosno poslovnih jedinica novog privrednog subjekta povezanom privrednom subjektu.

Podnosilac zahtjeva u konkretnom slučaju traži mišljenje za sljedeće:

- Privredni subjekt NeftegazInKor a.d. Moskva, Ruska Federacija (u daljem tekstu: NeftegazInKor), osnivač je i 100% vlasnik privrednog subjekta OPTIMA Grupa, koji ima deset registrovanih poslovnih jedinica, benzinskih pumpnih stanica i to osam na teritoriji Federacije BiH, a dvije na teritoriji Brčko Distrikta BiH. Privredni subjekt NeftegazInKor vršeći funkciju skupštine privrednog subjekta OPTIMA Grupa ima namjeru donijeti odluku o davanju u zakup svih deset benzinskih pumpnih stanica privrednom subjektu Petrol a.d. Banja Luka (u daljem tekstu: Petrol), čija je osnovna djelatnost trgovina na malo motornim gorivima i mazivima i kojom se bavi na teritoriji Republike Srpske. Većinski vlasnik sa 80,000031% privrednog subjekta Petrol je privredni subjekt NeftegazInKor. Traženo mišljenje se odnosi na to da li u slučaju zaključivanja ugovora o zakupu navedenih benzinskih pumpnih stanica sa privrednim subjektom Petrol, kao i raskida istog ugovora postoji obaveza podnošenja prijave namjere koncentracije.

- Skupština privrednog subjekta OPTIMA Grupa ima namjeru da donese odluku o odvajanju dijela imovine u novi privredni subjekt, odnosno odvojiti poslovne jedinice i osnovati novi privredni subjekt. Radi se o odvajanju deset predmetnih benzinskih pumpnih stanica u novi privredni subjekt čiji će osnivač biti privredni subjekt NeftegazInKor. Traženo mišljenje se odnosi na to da li u ovom slučaju odvajanja uz osnivanje novog privrednog subjekta, kao i u slučaju zaključivanja ugovora o zakupu predmetnih benzinskih pumpnih stanica između novonastalog privrednog subjekta i privrednog subjekta Petrol postoji obaveza podnošenja prijave namjere koncentracije.

Članom 12. Zakona o konkurenciji (u daljem tekstu: Zakon) propisano je šta se smatra koncentracijom, a članom 2. stav (2) Zakona šta se smatra privrednim subjektom pod kontrolom drugog privrednog subjekta.

Da bi postojala obaveza podnošenja prijave namjere koncentracije potrebno je da se koncentracija provodi između nezavisnih privrednih subjekata, a ne privrednih subjekata koji su pod kontrolom drugog privrednog subjekta, tzv. povezani privredni subjekti.

Član 12. Zakona ne propisuje situaciju u kojoj se izdvajanje dijela imovine iz jednog privrednog subjekta i osnivanje novog privrednog smatra koncentracijom.

U skladu sa izloženim, Konkurencijsko vijeće smatra da se u predmetnom slučaju radi o reorganizaciji povezanih privrednih subjekata unutar iste grupe, a ne o koncentraciji u smislu člana 12. Zakona.

Predsjednik

dr. Stjepo Pranjčić

Dostavljeno:

- OPTIMA Grupa d.o.o Banja Luka
- Arhiv Konkurencijskog vijeće